

1. Ho tsoaloea hangata: Bona ke boemo ba boiketlo bo fokolisang, etsoe bo fana ka monyetla oa bobeli oo ho latela Bible o leng siko. Ka hoo, liqeto li chechisetsoa ho nkoa bophelong bo bong, efela Molimo o re, **“Ke u utloile nakong e ts’oanelang, ‘me ke u thusitse ka letsatsi la pholoho. Bonang, joale ke nako e tsoanelang; bonang joale ke letsatsi la pholoho.”** 2 Bakorinthe 6:2. Bo boetsa boa fokolisa hoba bo tlamella batho pheletsong e fanoeng, ‘me eba bophelo bona ke ‘lihele’ tsa bona, moo ba lefellang lits’ito tsa bophelo ba bona bo fetileng, e leng se khahlanong le polelo ea Bibe e reng: **“Ekare ha Mora a le lokolla etlaba le lokollotsoe ka sebele.”** Johanne 8:36. **“Ka baka leo, motho ha a le ho Krete, ke ‘mopuo e mocha, tsa khale li fetile; bonang, tsohle li nchafetse.”** 2 Bakorinthe 5:17. Ea tiileng ka bophelo ba hae, o etsa qeto kajeno.

2. Lihele le purekatori: Mohopolo o teng o nyelisang ka ho fetisisa oa Molimo ea lerato hakaalo ke oa lihele, moo meea ea baetsalibe e chang thokofatsong e sa feleng. Ha re bua ka lihele, likelellong tsa rona re ithihela mohopolo oa Molimo ea ts’abehang ea tletseng khalefo, efela, ketso e ‘ngoe le e’ngoe ea bomolimo e bolela ka lerato la Hae. **“Kea phela, ho bolela Molimo, ha ke khahloe ke lefu la molotsana...”** Ezekiele 33:11.

3. Kopano le ba shoeleng: Sengoli sa bolela joana, “Satane o batla re lule holim’a lintho tse peli: tse fetileng, e leng tseo re ke keng ra etsa letho ka tsona; kapa tse tlang, e leng tseo re sitoang ho li bona li eso fihle.” Ena ke enngoe ea maraba a fumanoang khopolong ena. Ke hore, ha ho tsotellehe hore na re buile ho lekana le baratuoa ba rona, kapa re rarollotse mathata a rona, ka letsatsi le leng, le ha e le kamor’a lefu, re ka ba etsetse tseo re sitiloeng ho ba etsetse tsona ha ba sa phela. Efela, lena ke letsatsi la ho rata le ho aka bana ba rona ‘me re ba nee nako le thahasello eo ba e hlokang. Leraba la bobeli ke hore e tlisa boemeli bo bong bo tlosang Krete, e leng Eena fela ea ka rarollang mathata a rona. **“...Ha ho motho ea ka tlang ho Ntate ha ese ka ‘na.’”** Johanne 14:6. Peterose o boleta sena mabapi le Jesu, **“...hobane ha ho lebitso tlas’a leholimo, leo batho ba le neiloeng, leo re ka bolokehang ka lona.”** Liketso 4:12.

4. Ho rapela meea: Liketsahalo tse ngata tse makatsang li eketsehile matatsing a hoetela tse bitsoang “paranormal phenomena”, moo batho ba fumanang melemo e itseng, pholo, mehlolo, tsohle li etsoa ke meea e sollang e bitsitseng mekete, borapeli kapa ka ho buisana le meea. E boetse e sebelisoa ho utloisa batho bohloko ka “mesebetsi” e batloang ke lira kapa bahanyetsi, j.j. Molimo o re, **“Ho se ke hoa fumanoa haeno...le ha e le mophofi ea phofang, kapa selaoli se laolang, kapa senohe, kapa moloi, le moupelli, leha e le ea botsang balimo, le ngaka e reng ea porofeta, leha e le ea botsang bafu; hobane bohle ba etsang litaba tseo ba manyala ho Jehova...”** Deuteronomi 18:10-12.

“Ha ba ka re ho lona: Botsisisang ba nyollang bafu, le linohe tse toutang, tse oeoetsang, le mpe le re: Hleka sechaba ha se na ho botsa Molimo oa sona na? Hleka ho ka botsoa bafu tsa ba


utloang na? E-eang molaong le bopaking; ekare ha ho sa uoe ka lentsoe lena, etlaba sechaba ha se sa tla chabeloa ke tsatsi le leng.” Esaia 8:19, 20.

Molimo o re file methati ea sebele ea ho lokolloa ts’usumetsong tse kotsi tsa matla ana a sa tsebisahaleng. **“Ka baka leo, ipeeng ka tlase ho Molimo, le hanele Diabolose, ‘me o tla le balehela.”** Jakobo 4:7. Nehela bophelo ba hau ho Jesu, o phele kamehla ho latela melao e leshome, molao oa ‘muso oa Hae, ‘me u se ke ua lumela matleng a meea ena u mpe u lumele matleng a Molimo. **“Ba mo hlotse ka mali a konyana, le ka lentsoe la bopaki ba bona...”** Ts’enolo 12:11.

Ha rea lokela ho ferekanya leeto le qetello. Kotopo eo le khanya ke leeto, eseng qetello. Lefu ke ho hloka kutlo, joalo ka ha re netefalitse ka Bibe. Empa ea re lemosa, **“...hobane Diabolose o theohete ho lona a halefile hampe, ke ho tseba hoba nako ea hae ha e sa le ekae.”** Ts’enolo 12:12. Ea buileng thetso ea pele, **“Ha e le ho shoa, le ke ke la shoa,”** e ne e le Satane a sebelisa sesebelisoa sa hae sa pele, e leng noha. Thetso eo haesale e boleloa nalaneng eohle ea batho ‘me e etsa karolo ea veine (thuto) ea Babilona, bolumeli ba bohata ba mehla ena. **“O oele o oele Babilona e moholo, o fetohile moaho oa batemona, lets’aba la meea eohle e lits’ila...”** Ts’enolo 18:2.

Ruri, Mehla e Mecha ke pitsa e qhibilihang ea Semoea, Sekreste, Sehindu, le Bohetene tse etsang karolo ea Babilona. Molimo o re, **“Tlohang ho eena lona sechaba sa ka, le se ts’ohe le kenella libe tsa hae, ‘me le oeloa ke likotsi tsa hae.”** Ts’enolo 18:4.

Jesu o batla ho u thabisa le ho u lokolla matsoalong, bohlokong le liphosong tse khahlanong le molaetsa o hlakileng oa Bibe le thato ea Molimo.



THETSO EA PELE

Hang, ka kena kahar’a kotopo e lefifi. Qetellong ea eona, ke ne ke bona leseli le lesoeu. Baratuoa ba fetileng ba ‘memela hore ke ba latele ‘me hang-hang, letsoho la ntsosa, e ne e le letona, le batla ho bua le ‘na. ha ke phaphama, ka hopola hore ke hokae, ke ne ke le betheng ea sepetelele moo ke neng ke amohetsoe ka lebaka la kankere. Lingaka li ne li boletse hore ke kula hampe ‘me kamoo ho bonahalang kateng, ke ne ke shoele...

Ena ke pale e ts’oanang le ea likete tse ngata tsa batho ba boleloang ba hlokaetse lipetlele empa ba boele ba phele. Ho ba bangata ke lets’oao la ts’epo, ho ba bang, ke tiiso ea tumelo, athe ho ba bang e tlisa lipelaelo. Hantle ‘nete ke eng mabapi le lefu?

Ba bangata ba nahana hore batho ba shoang, ebang ba ne ba its’oere hantle, ba ea leholimong, ebang ho se joalo, ba ea lihelong kapa purekatoring. Ba bang ba nahana hore ba ea lefats’eng la meea. Ho na le ba ipolelang ba tsoetsoe bocha ka ‘mele o mong, ba tsoetsoe ba fetisa kapa ba fokola ho latela kamoo meea ea bona e phetseng lefats’eng. Ba bang ba lumela hore bafu ha ba tsebe letho ho fihlela letsatsi la tsoho. Empa Molimo o reng? Bibe e reng? **“Hoja motho ea shoang a ka boela a phela, ke be nka mamella ka matsatsi ‘ohle a ntoa ea ka...”** Jobo 14:14.

TSOHLI LI QALILENG TS’IMOLOHONG

Taelo ea Molimo e ne e hlakile, **“Empa ha e le sefate sa ho tseba bottle le bobbe, u se ke ua se ja, hobane mohla u se jang, u tla shoa.”** Genese 2:17. Empa keletso enngoe e khahlanong le taelo ea Molimo e hlakileng e ile ea sebeloa tsebe ea Eva, **“...Ha e le ho shoa, le ke la shoa.”** (Genese 3:4). Le hoja lefats’e le tletse ka nq’alo tsa bafu le mabitla tse pakang tiiso e halalelang, mohopolo oa ho se shoe o santse o le teng har’a batho, ho sa natsoe tsena tsohle; tlasa lipehelo tse sebetsoeng Eva, **“...le ke ke la shoa,”** ho sa tsotellehe tseo o li etsang bophelong.

Maikutlo ao a hlahisitse mehopolo e mengata e phahamisang boikutlo ba ba saretsoeng ke tahlehelo ea moratuo oa bona. E jaloa ke lifilimi, lipampiri, lihlopha esita le litumelo tse emelang litaba tsa ho tsoaloe hangata, lihele, purekatori, kopano le bafu le ho rapela meea. Tsena tsohle li hlahisoa ke mothapo o le mong: tumelo ea ho se shoe hoa meea.

BOPHELO, LEFU...EBE?

Ele hore re utloisise ketsahalo ea lefu re lokela ho utloisisa bophelo pele, etsoe lefu ke bosiko ba bophelo.

Bophelo bo qalile joang? **“Jehova Molimo a bopa motho ka lerole la lefats’e, ‘me a bululela linkong tsa hae phefumoloho ea ho phela, ‘me motho ea eba moea o phelang.”** Genese 2:7. Mona re bona boteng ba likarolo tse tharo: lerole, phefumoloho ea ho phela, le moea o phelang. Motho kapa moea o phelang, le keello, ke se hlahisoang ke kopano ea lintho tseo tse peli.

Lerole + Moea oa Bophelo = ‘Mopo o Phelang
‘Mele + Moea = Moea o Phelang
Soma + Pneuma = Psyche (Greek)



Re ea elelloa hore *“libupuoa tsohle tse hlotsoeng li phela ka thato le matla a Molimo. Ke baamoheli ba bophelo ba its’etlehileng ka Molimo. Ho tloha ka seraphime e holimo-limo ho isa liphoofoolong tse tlase-tlase, tsohle li nonts’oa ke Mohloli oa Bophelo.”-The Desire of Ages, p. 785.* Moea oa Hae ke oona o fanang ka bophelo, ka baka leo ho bobebe ho utloisisa na lefu ke eng, e leng se fapaneng le bophelo.

“Lerole le eso ho khutlele leroleng, moo le tsoileng teng, moea o eso ho khutlele ho Molimo o nong o o neee.” Moekesesia 12:7. **“...ha u li amoha phefumoloho, li fele, ‘me li khutlele leroleng.”** Lipesaleme 104:29.

Lerole (‘mele) – Phefumoloho ea bophelo (moea, phefumoloho) = Lefu
Joale re fihletse qeto ka bibeleng ea hore lefu ke bosiko ba moea oa bophelo ‘meleng, Empa...

NA MOTHO UA UTLOA HA A HLOKAHETSE

Bafu ha ba tsebe letho. **“Ba utloang bona ba tseba hobane ba ea shoa, empa bafu ha ba tsebe letho le ha le le leng.”** Moekesesia 9:5.

Maikutlo a bona a shoa le bona. **“Lerato la bona, le hloeo ea bona, le mohono oa bona, li se li timetse, ba ke ke ba hlola ba eba le kabelo ho tsohle tse etsoang tl’asa letsatsi le ka mohla o le mong. Tsohle tse fihleloang ke letsoho la hao hore li ka sebetsoa, u li etsa ka matla a hao, hobane n’qalong ea bafu moo u eang, ha ho sa le mosebetsi, le ha e le morero kapa tsebo, kapa bohlale.** Moekesesia 9:6, 10.

Mehopolo ea bona e timetse. **“Phefumoloho ea bona ha e fela, ba khutlela leroleng la bona, ka tsatsi lona leo, merero ea bona e felile.** Lipesaleme 146:4.

Ha ba tsebe letho, le ha e le baratuo oa bona. **“Bara ba hae le ha ba hlonephuoa, ha a tsebe; le ha ba fumaneha, ha a ba lemohe.** Jobo 14:21.

Le Molimo ha ba mo rorise. **“Ha se bafu ba ka rohang Jehova, leha e le ba theohelang nq’along e khutsitseng.** Lipesaleme 115:17.

LEFU LE BAPISOA LE ENG?

Jesu o ts’oants’a lefu le boroko. **“Eitse hobane a bolele tseo, are ho bona: Lasaro, motsoalle oa rona o robetse... empa bona ba ne ba lekanya hore o bolela boroko ba ho robala. Joale Jesu a ba bolella phatlalatsa, a re: Lasaro o shoele.”** Johanne 11:11-14.

Bafu ba robetse hofihlela ba tsosoa ka tsoho.“Empa motho ha a eshoa ebe o kae na?ho fihlela leholimo le eba sieo, ho ke ke ha tsuuo a ke motho, a ke ke a phaphama borokong ba hae. Jobo 14:10, 12.

Joalo ka palesa le seriti: “Motho... oa mela, o khaoloa joalo ka palesa, o feta joalo ka seriti, ‘me ha a hlole a eba teng.” Jobo 14:1,2.

Re elelletsoe joale hore bafu ha ba tsebe letho; ha ba utloe. Empa na ke eona qetello ea motho eo? Bibe e re, **“‘Me joalo ka ha ho laetsoe hoba batho bohle ba shoe hang, ho ntoo ba kahlolo.”** Baheberu 9:27. Motho o tla fumana e ‘ngoe ea likahlolo tsena tse peli, bophelo bo sa feleng kapa lefu le sa feleng. **“Ba bangata ho ba robetseng leroleng la lefats’e ba tla tsoha, ba bang ba tsohele bophelo bo sa feleng, ba bang ba tsohele lihlong le sekhobo se sa feleng.”** Daniele 12:2.

Re rata ho o hopotsa hore Molimo o rata hoba o bolokehe ‘me o fumane bophelo bo sa feleng. **“Kajeno ke bitsa leholimo le lefats’e hore e be lipaki ho lona, ke beile pel’a hao bophelo le lefu, lehlohonolo le thohako. Ikhethele bophelo o tle o phele, uena le litloholo tsa hau.”** Deuteronomoma 30:10.



NA RE TLA BONA BA SHOELENG?

Molimo o batla ho nea bophelo bo sa feleng ho bafu ka tsoho ho ba robetseng ba lumela ho Krete. **“Bafu ba hao a ba ke ba boele ba utloe, litopo tsa ka a li ke li tsoesoe. Tsohang lona ba robetseng leroleng, le thabe, hobane phokaea hao ke phoka e melisang, ‘me lefats’e le tla nts’a bafu ba ho lona.”** Esaia 26:19.

“Hobane Morena ka sebele otlala theoha leholimong...’me ba shoetseng ho Krete ba tla tsoha pele. Ebe moo rona ba phelang, ba saletseng nakong eo, re nkeloang marung hammoho le bona, ho ea khahlanyetsa Morena sebakeng, ‘me ka mokhoa o joalo, re tla ba le Morena kamehla.” 1 Bathesalonika 4:16, 17.

“...Empa re tla fetoha bohle, hang ka ho panya ha leihlo, ka terompeta ea morao... ‘me bafu ba tla tsoha, ba se ke ba boela ba bola...Hobane e ka khona ho bolang hona ho apare ho sa boleng, le ho shoang hona ho apare ho sa shoeng... ke moo polelo e ngoliloeng e tla phetheha, e itseng, Lefu le metsitsoe ke hlolo.” 1 Bakorinthe 15:51-54.

Ho ba lumelang, ba nang le ts’epo ena, mats’eliso a ntsale teng le ha lefu le nkile moratuo oa bona. Ho hotle hakakang ho tseba hoba kopano ena e ke ke ea hlola e eba le bohloko, karohano, nako, kapa bokuli, empa e tla ba lefats’e le lecha! **“Molimo o tla hlakola meoko eohle mahlong a bona; lefu ha le sa tla hlola le eba teng, ‘me ha ho sa tla ba masoabi, leha e le ho bokolla, kapa bohloko, hobane tsa pele li fetile.”** Ts’enolo 21:4.

Efela kahlolo e’ngoe e teng, e hlalosoang e le “lefu la bobeli.” **“‘Me e mong le e mong ea saka a fumanoa a ngoliloe bukeng ea bophelo, a akheloe lefats’eng la mollo... ke lona lefu la bobeli.”** Ts’enolo 20:14, 15.

“Le tla hatakela ba bolotsana, hobane ba tla ba joalo ka molora tlas’a bohato ba maoto a lona, tsatsing le tla etsoa ke ‘na, ho bolela Jehova oa makhotla.” Malakia 4:3. Hona le khetho e le ‘ngoe fela. U ikhethela ho ba sehlopheng se fe? Molimo o labalabela pholoho ea hao; o batla o fumane bophelo bo sa feleng.

LIKOTSI TSE TENG

Boholo ba lifilimi bo bua ka ho totobala kapa ka ho se totobale ka bophelo ba kamor’a lefu. Bolumeli bo bocha le litloelo tsa tlhalefo ke motsoako oa ho se shoe hoa meea, ho tsoala hangata, kopano le bafu, le semoea se tsejoang e le **“parapsychology”,** tse re teelang hare ka boikutlo ba khopolo e bitsoang **“paranormal.”** Ha re li qapolle ka bonngoe:

